

葉沙南山人遺草序



葉沙南山人者故諸生也字中

甫山人故寸自豪即以經術業

而工古文好為詩然數竒屢應

試鴻都屢報罷其籍諸生籍錢

塘嘉靖末錢塘患倭山人條禦

倭十二策於督府李公李公覽
而異之屬且薦於朝破格用山
人已就逮乃罷山人於是謝去
博士籍而縱游都會間南之吳
之越北之燕之趙東西之閩之
嶺表足跡當天下半歸而大肆

力於學其文氣雄而調古馳驟
開闢不法而法迺其持論徃徃
出人意表而古樂府詩歌亦稱
是於余二十年以長而余少溪
有意乎山人之為人未幾而山
人捐館舍已偕其子復陽切劘

文藝同試習學使者稱通家兩
世交復陽刻其遺草屬余為之
序嗟々此道難言哉夫吾邑之
詩若文肇於成弘漸漬於正嘉
至隆萬之際盛且極矣乃其卑
者以浮響虛調取充篇章間靡

靡止論已次亦竊藉漢魏之遺
摛搆李杜之膚即其高者以氣
格聲味相競而不本於情實倏
焉而聆之若中金石覽之若備
經緯徐繹而覈之未盡是也山
人故邃養淵識博洽而約精為

能斟酌而裁就之準情以就事
根柢以劑華其遇景觸目不取
資於人而取資於己是亦有具
體而謝溢思有恒調而無越格
所謂覈之盡是者時々越於聲
色之末韻而文不韻而詩庶幾

乎有兼長者哉乃其夙昔翫髒
隱約自甘絕不借資炫一時名
也夫山人所謂慥々長者非與
復陽念山人困窮不欲其勞屹
平生沒之身後也而托茲以傳
托余言以永其傳詩不云乎雖

無老成人尚有典刑山人遠矣
後進遍興鼓頤吻而縱橫於述
作之場豈不燁々然辭日以華
而器日以窳薄余向所臚舉而
三歎者有餘慨焉山人之集行
而典刑自在擊節賞識者且不
乏當知余言之非佞矣序之
賜進士第奉議大夫戶部陝西
清吏司郎中

通家眷侍生胡玠頓首拜撰



葉沙南山人遺草序

葉山人中甫先生遺草行其子
復陽君走而叩不佞此先人手
澤也即有一言之幾何得泯泯
余受而讀之獲卒業而竊嘆之
中甫何工詩也夫弓待檄而後

調劍待砥而後利玉堅而不鏤
不成文木直而不揉不成輪所
為磔諸槩括之資居多也山人
少而藉諸生錢塘終歲守帖括
業以待期會數數竒不得上公
車而倭患起以十策干督府督

府竒之將疏薦山人當大用會
督府被逮不果上也山人迺棄
諸生而為吳越閩楚燕趙嶺表
之遊所至登名勝締交賢豪長
者遊輒有詩詩輒有酌贈未易
僕數操觚而文亦稱是烏然山

人藉以自發其性靈寄其踪跡
而止所借資贄博名高乃今銓
次其諸體具作者音節鏗然人
耳色澤瑩然人目其才足以廣
學而卒約其才其法足以縱情
而卒束於法古選在漢魏間而
五七言駸駸李杜歌行樂府居
然長吉徐庾之致也今邑屋間
稱詩甚盛而當山人則獨詣而
深造之有足多者撒砥鏤揉之
益何藉於天不慙遺溘然早世
以故脩業僅僅然亦足以傳矣

天俾之年侵假而化極其才情
而上之其可涯涘哉甚矣人之
不可以無者率也山人沒且廿
年而復陽君抱其遺書不忍湮
沒併其所為賢博編彙梓之以
行於世匪直伏生授而蔡琰錄

也無恤袖而晉陽恢後世多其
能子復陽君優為之而以論著
及不佞夫有三都之賦郢質全
矣玄晏何辭烏然使天下後世
尚論績學弘博侗儻不群之士
吾邑有山人在豈不卓犖乎哉

甚矣人之不可以無者子也復
陽君彬彬文質足稱其家學山
人洵不朽矣又何求多於年哉
遂得銓序之以復於復陽君讀
斯稿者尚得山人全也而不佞
從作者後不至作區區臆論矣

二酉生程涓巨源撰



沙南先生遺草序

夫士也事策擄辭泱泱乎著作
之林於以焜耀當季施於不朽
甚上願哉第身致青雲宇內輒
高聲價隻語存笥洛陽紙貴不
則淹伏草茅縱令轡龍繡虎祗

供覆瓿而已嗟乎非才之異也
遇也遇以阨人才其如遇何沙
南先生蚤負命世才業起諸生
中亡何阨於時事遂解青衿以
去會倭奴寇吳越間廼詣軍門
陳十二策當路竒其才亟欲用
之不果先生於是盱衡太息絕
口當世之務飄然長往探擘海
上諸名勝頃之北涉江淮吊古
燕齊之墟所至輒多賦詠性復
喜飲酒酣耳熱拊缶悲歌旁若
無人先生才足以屈公卿而走

軒蓋顧有激於衷不事干謁以
故落落寡所遇合垂橐而歸歸
則環堵蕭然鉗儲屢罄日猶著
述不輒卒之阨窮以歿歿之後
嗣君輯其遺草授剞劂以傳余
觀先生之詩追摩漢魏叅駕少
陵文則步驟馬班間入諸子大
都布格峻整構思幽遠語故多
竒不詭於法譬之騏驥服乘造
父為御千里絕塵而轡銜不失
足稱稅林長技近世作者如雲
卒多縉紳學士其在布衣則謝

茂秦俞允文稱最試以先生所
業並陳而觀殆不多讓彼二子
附驥青雲有聲藉甚先生獨抱
骯髒泯焉終窮嗟乎先生固窮
而巾笥之草日以充物豐其才
而嗇其遇豈造物故忌之耶迺
今嗣君能為刊布以示千秋然
則先生著作雖不獲焜燿當年
猶獲施於不朽窮於身弗窮於
後弗遇於遇而遇於不遇余茲
竊為先生深幸之矣

通家子汪元英謹撰

沙南先生遺草序

蓋葉氏代興作者而沙南先生
寔白眉云余方童時與先生嗣
君見初就試郡邑締為莫逆交
懽然爾汝相得也於是習知先
生先生嘗過余先君子鑒賞余




試卷甚器重之亡何先生沒矣
頃者諫議柳沙公儼然執藝壇
牛耳所狀先生悉余從見初讀
其狀益得先生之為人見初服
奇睥睨千古縱橫一世少所許
可然每與余把臂而譚詩及古
文詞輒推其家尊人遺草余之
知先生也自見初而先生之知
有余也則余童時試卷若干篇
郡邑侯不善為余掩其醜也先
生治制舉業補武林弟子員以
高才為武林生所忌竟棄去生

平負俠氣有大經濟曾條平倭
十二策即賈洛陽陳政事太息
天子之廷不少遜焉所著作甚
富遠軼班馬尤自喜為風雅馬
蹄所歷燕趙之雄沉秦岱之崔
嵬黃河之奔放長江之蕩漾盡
收入肺腑而時以其英雄失路
老驥伏櫪之况遇境而輒發之
詩以故遺草盈笥見初圖所以
行于世問序于余、雅有詞賦
之癖于茲道謬窺一斑蓋海內
立言之士徃、與余臭味焉大

概近世一二作者非不雲蒸霞蔚顧多起家於縉紳儲材於史館故其聲價重先生抱志未伸獨樹幟作者之場今讀其遺草不離情不睽道眩博以修詞和暢以達意其感物興懷傷今吊古閨情旅思短牘大篇蓋已溯唐大曆至盛初而駸、漢魏矣豈僅、葉氏作者無出先生右千秋大業於是乎在余又敢容默、也乃不辭而為之序

眷通家姪徐文龍拜

書於扶搖館中



沙南遺草目錄

一卷

古樂府三十三首

五言古詩四十首

二卷

五言古詩五十六首

三卷

七言古詩三十三首

四卷

五言律詩一百一十一首

五卷

五言律詩一百八首

六卷

七言律詩七十八首

五言排律十三首

七卷

五言絕句八十四首

七言絕句一百三十四首

古樂府四首

五言古詩二首

雜著十首

八卷

解二首

書二首

傳三首

說二首

賦二首

文一首

九卷

記三首

叙一首

論三首

判一首

十卷

策一道

試論二首

行狀一首

詩引一首

柬二首

跋一首

附

傳

誌

狀

沙南遺草一卷

休寧葉權中甫著

金鵠季黃選

汪大同公對閱

汪元英大呂校

樂府

巫山高

巫山高江水注行雲飛雨來相遇遠道之人無
梁度蘭幃蕙帳虛朝莫月下人嗟夜二樓江邊

花落年二樹年二樹秋復春萬里思歸多苦辛
人生咫尺難相見一夢朦朧詎是真

君馬黃

君馬黃臣馬驪北壯之數臣所遺上乘騰逸下
乘遲足跡相懸君不知君馬臥食粟臣馬常局
促君馬但病肥臣馬無餘肉馬骨蒙馬皮二馬
不同逐

戰城南

戰城南不旋踵男兒死為期何必葬丘隴長纓
綏二高冠魏二生我者父母驅我死者誰我出
城門呼我妻子但願爾生莫惜我死烏啄我肉
馬踐我腹欲報君恩不辭荼毒北風晝冥憤氣
上騰一戰敗虜長驅虜庭瀚海身親歷燕山誰
勒銘

田橫辭

君為帝我為虜念昔齊漢俱兩主頭可斷顏難
厚布越無恥忍含垢嗟二客甘下從恩義顧戀
身無容悲同人酬知己節俠所激從風靡感憤

生慷慨死何必五百皆賢已

行路難四首

白玉馬鞍金絡頭黑髮拜相封通侯一朝失勢
行見收禍福倚伏倏轉眸當君昔日時富貴非
人謀嗟君今日時衰賤不自由行路難阻且修
東行之水無西流百年光景忽我道君不見顏
回原憲百不憂

其二

以雪投井中井深不能滿俱爲有心人何論君
長及我短解開雙連環各自爲計莫相攀請君
慢上七盤嶺對面忽立九疑山

其三

驂騮少壯時一日行千里今日齒落盡分當棄
置野中死朽骨不足惜敝帷亦可委丈夫老大
生世間萬里長遊多苦顏不敢望至酒泉郡但
願生入玉門關

其四

白日殺人都市中來如猛虎去游龍觀者萬衆

不敢近我能避之君詎從春風穆如溫可即論
交刎頸舒宵臆蜂蠱忽起懷袖間我不及避君
難測甘言令儀心詎真美酒大鬻能殺人生死
肉骨胡與秦君不見始如父子終商參禍變常
起心所親

釣竿歌

釣竿歸來平河中之魚堪食姑有讐不報非文
夫報讐不婦姑何辜

禱衣篇

涼風颯二秋將莫征人迢遞關河路閨中少婦
新下機為君重理齊紈素獨轉迴廊夜氣清階
前落葉鳴秋聲玉欄倒接桐陰午銀漢斜移月
色明桐陰月色風蕭瑟砧聲未動心先絕但憶
裁時可體難寧知禱處中腸結腸斷思君夜欲
闌停砧罷杵憶關山寶釵暗落青絲髻珠淚雙
垂白玉顏容顏易歇韶華促十年朱戶苔生綠
綺閣衣裳屢寄將玉關音信空馳逐但見音塵
不見歸年二徒自禱寒衣青春冷落琥珀枕白

首榮回空爾爲

白紵詞

織紵輕綃故所便
結束穩順赴君前
雙袖小展殊可憐
迅節急調情萬千

採蓮曲二首

芙蓉並開藕相接
蓮子深藏蓋蓮葉
木蘭爲舟桂爲楫
大女豐艷小女怯
歌未出口紅滿頰
雙起雙蕩波上涉
鴛鴦飛二飛相貼
含情宛轉空注睫
形態勉強心意協

其二

烏雲生鬢玉作顏
雙手似雪兩袖寒
朱唇欲啓態度妍
美艷窈窕流嬋娟
齊歌齊止唱採蓮
清靨麗詞殊可憐
花間葉下真水仙
將前不前退復前
願得結伴常少年

淶水曲

平湖水綠春草長
新粧女兒雙盪槳
岸上楊柳黃鶯飛
無情有情啼向誰
白日趁人欲歸去
正在中流不能住
由郎走馬西復東
不惱似惱兩

頰紅

愛妾換馬

綠鬢白玉姿青驪黃金羈朝乘莫相擁為歡復
何疑兩好不並得與君各異私男兒可憐意應
有遂心時

杞梁妻

吳中死事者之妻哭甚悲余聞而哀之作杞梁妻三首

夫昔少年日學劍遊四方術成無所試韜晦居
窮鄉東南有大海商賈刀錐場游魚在深淵察
見生不祥一朝賈與商化為豺與狼夫子本壯
士意氣何激昂生恥四郊壘撫劍長慨慷長吏
籍民兵夫去從戎行大軍既敗績豈獨存杞梁
免胄赴敵死徒有賤妾傷

其二

東鄰有黃金夫憤壯士身金盡還復來身死無
生辰金盡還復來尚為當世珍相對數歎息欲
輸更遠巡身死無生辰肉化沙場塵老母不終
養妻稱未亾人小弟初束髮孤兒行負薪重蒙
達官意許復三十春寧知壯士骨不庇孤寡貧

自古決生死不如善緣夤

其三

憶昔夫生時矢志故不渝幸得死國事雖死亦
不虛所恨非大敵辜負七尺軀軍行謹刁斗古
人戒不虞因獸猶懷鬪蜂蠱與毒俱前者有狂
客自稱高陽徒投謁獻計策將軍輕豎儒夫子
乃士卒敢進一得愚全軍痛覆沒義不爲身圖
芬魂迷故里白骨委長途夫死良已矣妾生胡
爲乎

去婦詞

容顏不再好花萼無長春感彼陌上花深悲意
中人賤妾命誠薄浪蒙君見親云胡失君意出
門敢怨嗔臨別良有懷長跪對君陳以妾今日
舊曾經昔日新色是新入好情是舊人深一朝
棄舊人莫傷新人心

使君一何愚

大婦常素粧夫婿刺船郎小婦更艷冶良人從
軍者孤村屋無樓門前河水流郎從門外過兩

婦倚門頭相笑復相語絕無憐郎處郎自不董
頭踟躕不肯去二婦前致詞使君何愚痴白波
浩茫二綠楊垂高枝上有雙飛鳥各自有雄雌
往來空眼語若箇是心知

作蠶絲

春蠶不辭老有生良草二重蒙夫人意織手勞
浴澡一朝登懿筐愛惜逾珍寶進火候寒溫採
桑時日杲篋筥盈綺羅春風被鮮好夫人不辜
帷睇視無昏早欲報何由得衷腸願傾倒功成
不自理又蒙親織縑文章光陸離蒸嘗助華藻
種類弗忍遺綿二重相保細物荷恩深淵情激
枯槁幸有尺寸益微軀何足道

梅花落

昔向先春開今復當春落豈是違衆芳孤英寡
依託鳳樓舊交絕龍笛新聲作征人方憶家惆
悵繁華萼

長信怨

細草生階除膏雨益滋蔓新人麗春暉賤妾當

退遜供養分所宜棄置理無悶但恐避輦心翻
為掩鼻恨託意團扇詩敢擬長門怨

子夜四時歌八首

江南正二月冷暖常不時郎去行春陌寒溫妾
不知

其二

春月雖可人光輝不如秋朦朧二三月照妾樓
上頭

其三

妾出自採桑不得與郎住頭蠶織郎衣二蠶作
衣絮

其四

日照榴花紅妾正牕前坐牕納四面風郎莫當
牕臥

其五

明月愁殺人常向暗中立梧桐一葉飛玉露階
前濕

其六

非無新紈綺故二理舊衣寄郎著舊衣不作終
年婦

其七

錦衾納重絮繡褥高尺許但保終夜歡雞鳴任
郎去

其八

二月辭妾行臘月未到家雪滿行時路枇杷隔
歲花

倚柱操

樹欲拔兮巢則曷支國將危兮家何能治我有
隱憂兮人不我知謂不恤緯兮因謂我私吁嗟
不同東鄰子生為人疑不如死

魯愚操

魯兮愚兮我不子虞兮我心愉兮北兮南兮乘
我爲子之駮兮

五言古詩

古意二首

思子髮欲短夢子夜彌長遺子書一緘臨書悉

衷腸昔別二三月河水浩茫二相期指河水誓
言早歸翔歲月云已徂倏忽秋蘭芳餘音獨在
耳歸意何荒唐豈必欲子歸幸子莫相忘

其二

蟋蟀堂下鳴妾身理杼機織成一匹素裁作良
人衣秉刀不敢落中心忽生疑君別十餘歲知
君今瘦肥二瘦且莫測君心詎能知

詠懷十四首

日月無私照天地難測量后稷出巨跡伊尹生
空桑善惡自取之物理詎有常芝蘭發幽谷佩
之多馨香菘菹盈高門豈云列衆芳嗟二穀於
菟何以爲不祥

其二

西北起悲風浮雲蔽青天讒夫方高張卑賤難
顧妍據險相傾側墮我九仞淵聳身出洪濤膏
火復熬煎遵彼曠野行酷日如焚然安知窮山
下芬列流寒泉

其三

童髻事討論束髮爲諸生雖無赫二名萬里懷
遠程豈知當世士喜怒生愛憎託身一失所力
薄難自明吁嗟長江離化爲惡草英葑菲遺下
體慨慷涕泗零

其四

烈士悲坐死不辭險與艱乘桴沂河流北望燕
然山長劔柱廣頤怒髮指我冠直衝單于壘生
繫名王還功名不朽殺身良匪難忍見秋風
發匈奴南叩關

其五

青陽結綢繆歲莫成乖離生而相依附女蘿與
兔絲纏綿寄高樹春風況當時一朝霜霰至零
落不自持軒二孤生桐結根龍門陂千仞臨迴
溪百尺旁無枝雖無桃李顏乃爲鸞鳳棲知音
苟不忘請以諧鍾期

其六

孤鶴鳴九皋音響聞天涯朝與白雲遊莫就蒼
松栖何如一垂翅終歲常苦饑天高日色朗舉

翼不能飛豈無霄漢心嘆息將安歸已矣無所
歸安能同羣雞

其七

寒飈變芳枝繁霜萎高株人生非金石安得常
美都盛顏返衰容柔姿化厲軀綢繆未極席日
月忽遷渝恩寵難久憑傷心泣前魚獨行不卻
顧末路當何如君看白頭人昔日皆名姝

其八

陟彼西山隈言採山中蕨採之欲貽誰貽我心
所悅詎知道路遠恩愛遂中絕在智寧矜愚為
巧不顧拙驅車返故鄉遨遊吳與越人生不如
禽狐死首丘穴

其九

種松盈高岡十歲猶尋常不如澤中蒲一年彌
丈長吁嗟華門士索居攻文章性拙忤時俗不
能奮飛揚門前荆棘生屋上鴟鴞翔故業旣蕭
索新意何荒唐我欲一相勸二之學弛張默二
無一語長嘯振衣裳

其十

昔有趙夫人巧妙世無雙
指間織彩絲龍蛇欲
飛翔吳王圖九州丹青不足減
刺繡作列國山川儼成行
神膠續黥髮累月成文章
裁爲宮中幔烟氣生微涼
三絕壓四海竟以巧耀
亾不如浣紗婦歲二粗衣裳

其十一

昔觀阮公輩手不停杯觴
撫卷一長嘯二之何太荒
歲月倏云邁憂思結我腸
萬緒起衷曲日夕但徬徨
乃欲學華子日醉忽能忘
長跪謝阮公賢者難測量

其十二

愁人嘆朝露貧女傷春華
感物起哀怨見事苦不多
願爲支離疏復作哀駘
它適來與適去天且如余
何二爲徒營二歲月空蹉跎
所以宋榮笑不如接輿歌

其十三

佳期難再遇時日不常好
昔爲苑中花今爲陌

頭草二木有榮歌人生難自保猛志追先烈立
義苦不早詩書塞坐右可以慰懷抱持此惜寸
陰努力以終老

其十四

四時互代謝六氣常周流人生天地間卒歲當
悠游禮義苟不愆蹭蹬非所憂何必擁高蓋富
貴歸故丘戚二日不給無乃小人儔但恐委草
間沒世名不酬

感遇六首

二月倉庚鳴草木紛以華青陽被廣隰白日麗
高柯燦二二三子翩二適相過高樓理絲竹嫵
婉坐雙娥吳歌發清響齊瑟動柔和歡賞未云
足長流散餘波豈知陶生琴取意不在他

其二

猗二蕙與蘭生彼幽巖下上無朝陽色終鮮露
與雨人跡旣罕到衆草莫爲伍芳華將誰耀馨
香乃自取達人秉高致華門而竇戶豈伊當世
榮勗哉慕前古

其三

在昔與君交雙二如鴛鴦夕棲相接翼朝飛列
成行風波常失所不忍兩乖張如何中道間我
羽忽摧傷顧我無顏色不復居我旁昔以我為
兄今以我為狼昔日鷓鴣與鷓鴣今同頡與頡鷓鴣
非我仇難與甘稻梁願子早為計慎勿恣翱翔

其四

東風興密雲不知早與莫楊花別楊枝去二不
回顧生本同根株一朝分岐路異質誰最親無
如膠漆固膠出東海鱗漆是南山樹兩物偶相
投何必論情素

其五

天二桃李花春榮秋復枯芳時不再遇盛名難
久居長安衛與霍聲勢赫天衢丞相三長史文
章世宗儒榮耀不及終徂落當何如我有白玉
壺借君青驪駒為歡恨不早安能顧其餘

其六

落葉隨飄風飄二入青雲白日相照耀終當歸

本根少年慕華寵老思築丘墳晨遊在遠道薄
莫終入門卜晝何遺夜念朝湏及昏人無金石
固歲月倏以奔俛仰待終竟畢世徒紛二

塞下

單騎出長城橫矛緩轡行陣雲高且廣策馬逼
胡兵初遇左賢王一發罨其明兩翼射鵬者顧
之徒震驚亾何舉族來下馬閑結纓萬虜不敢
近歸營詫李陵

志士

江南本爲橘江北化爲枳鳩本陽春鳥秋來搏
山雉細物亦有感何況論志士志士懷素心所
好豈在死一朝輕舍生慷慨報知己長揖辭燕
丹放歌過易水成敗詎可知聊以謝吾子

客遊

客遊景易移淹忽歲已陰芳華倏摧落霜雪行
見侵富貴詎輕絕貧賤當受陵虛舟生怨尤飄
瓦懷褊心孤鳥鳴索羣聞者呼臬音唯有南飛
鴻可以邁殷勤

侵晨

侵晨瀟散行夜深
酩酊歸詰朝問童子
飲我者為誰梳頭
更出門稚孫前捉衣
五月枇杷熟梅杏亦
以肥主家可携來薄
暮候柴扉但覺今者
樂無論後願違

登吳山

凌高騁孤遊凭危瞰
八荒巖城雉比二表
道樹蒼二江湖列襟
帶山川限封疆踈蕪
向宋社縣邈橫錢唐
寒烟散晚色懷古長
慨慷

次錢塘江上

鳳凰橫兩翼秦望高
千仞東行白日駛西
眺青山引晚江寒稍
清海潮凍無信野火
燒空原微烟出餘燼
孤帆揚素波抵岸風
彌順

野望

晚稻旣登場秋麥未
播種餘青發故叢霜
薄生意動田家歲勤
事客子日常恐向莫
聞笛聲彷彿江南弄

贈胡鶴汀

鳴皋縻好爵乘軒多俗累汀洲饒芳草蘭荃何
羊二時從雲霄下殊非雁鷺志迥然自分別昂
藏行水裔幽人乃履貞寒泉挹清泌道妙協同
羣形釋入異類駕彼千年姿逍遙八方視

天門

靈岳上際天攀躋適清興循岡已百盤陟險復
千磴忽此四壁合睇視疑無逕洞然誰所啟豁
達生光瑩固知神聖人扣石開真境材楠若垂
帷孤芳自天挺流雲戀莫景落木明秋令從此
入玄關神清脫塵鞅

任翼墓

南粵自王地中原多事時忍死囑賢尉非君誰
驅馳努力障一方勿為羣盜資

陸賈城

陸生掉寸舌遊說南粵間說行得寶裝揮金樂
當年長笑向子孫數過意不鮮

粵王臺

不愧知己言倔強蠻夷中兩主不並立身當異

域雄陸生以好來前倨乃後恭

五羊城

五石叱不起五羊城尚存五仙歸洞天六穗結
靈根待予遊博羅播種梅花邨

賓鷗

逍遙遵迴溪超越信輕舸蘋萍自浮沉芙蓉何
孌娜草木旣佳麗禽鳥亦繁夥至人不亂羣吾
器我亦可誰分主與賓安知鷗非我心凝形自
釋意洽情彌妥願爲莊生榻庶幾子桑裸請事
息漢陰散髮清江沱

接桃樹

種桃露井上花少葉闌珊五月南風生結實恒
不完客携仙種來採擷自三山裁截舊木柯寄
託新枝安華萼旣鮮好根株亦錯盤條修綴靈
實食之美容顏異質能合并何況一體間骨肉
本相因兄弟思急難出入相依倚小故勿傷殘
莫因枝葉言斷絕平生歡君看天桃樹灼灼永
不刊

痛飲

赤日麗中天火雲赫焚熱南州既炎鄉西景彌
熾烈不飲實煩懣小飲轉乖刺不如遂痛飲清
醕肆長啜人間有險夷醉後憂患絕神全斷夢
想形釋無生滅錢鏗古上壽未聞遠麴蘖孫朝
乃真人可與知者說

苦瘡

晨昏暫違和陰陽遂相叛請言夕所苦寒暑倏
居半初懷寒谷冰俄熾焰山炭既中鄴下錘復
揮臨淄汗含沙射頭疼魏卯急腰患莫止文園
渴欲吸秋水瀾恍惚遽入夜反側竟達旦起坐
不帖席上食空對案孰是嗜蒲葦我寧悅芻豢
精器動欲仆目眩寂如轉未告徵士終適逢餓
人難方欣去若脫詎意行復返伊何期弗愆並
爾再三嘆

聶政姊

壯士已剝面舉國昧深情賤妾惜餘生賢弟亾
令名多謝道旁人爲妾駭且驚瞪目視泰山身

如蘋與萍

沙南遺草二卷

休寧葉權中甫著

金鵠季黃選

汪大同公尉閱

汪元英大呂校

五言古詩

田家三首

青二園中葵離二蔓下瓜參二墻邊桑藹二門
前麻地利亦已盡天時况復佳生事不在遠嘻

笑過鄰家社日相歡譁蜡時共誼譁此生苟有
託何用門多車

其二

死者不可作生者常蚩二黽勉百年內歡樂能
幾時禽鳥懷曠林草木榮春枝物亦感時化人
顧不自知得酒便斟酌一醉安足辭歡情或未
旣歌我田父詞豈必諧官商真意良在茲

其三

日夕集四隣團坐論今古田家無經史但說目
所覩往時同村人參差十餘戶東隣惡少年詫
說田作苦四體不肯勤出外作商賈一朝落魄
盡歸來無處所吾家世業農負郭三十畝今後
生兒孫但願愚與魯

西湖五公詠

林和靖

宋當全盛時羣賢悉委質先生獨高尚冲澹謝
殼利寒梅協孤賞野鶴候賓至小舟蕩清流蒼
煙鎖幽邃天書下九重不枉亦不避真隱古無

匹玄踪邈難嗣喜無茂陵草尚想西湖志

蘓文忠

長公本朝彥雄文更深造昭明意所歎太史性
非好三臺仰時望一麾典邦號所志在民隱行
春事農勞隄成以逸使湖闕止侵冒是時倉廩
實兼以德禮導賢哉風流守山水寄高蹈

韓蘄王

蘄王世虎臣勛業著天府危言詆時宰抗疏斥
和虜一揖無餘談三字含赫怒角巾就私第塞
驢下蓬戶新詞出意表舊功棄塵土儒生徒識
字高才暗合古引領望神京蕭然淚如雨

岳武穆

中原昔板蕩醜虜奸神器武穆志恢復涅骨誓
忠義英畧平衆寇廟筭屈羣僞大兵駐朱仙詰
首謀遠避將奏黃龍凱遑留晉陽意長驅阻姦
佞大獄起權貴一門得死所千載凜生氣

于肅愍

憶昔天步艱肅愍身許國良圖在戰守大意重

社稷疾惡忌太甚摧姦不遺力
死生置度外禍福非所測
羣小佻天功讒言肆罔極
白日照精誠皇心鑒孤直
歸骨南山下名與天壤植

和望之叔韵五首

孤蟬在高槐長對秋風鳴
下蔭芳樹枝上承甘露
英所期自適性非以求同
轂念伊何為爾於世本無情

其二

鴻雁相遵渚皋鶴常獨鳴
兩物非一心異性豈同情
達人期速效志士畧近名
形骸本隔絕何怨不可并

其三

平生寡交游壯年愧穀價
常恐雜蕭艾感念無晨夜
揮鞭策駑馬去逐荆山下
逢彼長泣人下馬三致謝

其四

急趨難繼踵狂叫不速應
圖名誠亦難何能恃友朋
天道異培覆人事有愛憎
所願弗盡歡努

力以自弘

其五

種蕙兼種蘭
玫瑰亦攻玖
子如不我思
豈無他人友
念朝不及夕
何況十載後
但恐相效尤
憧憧亦可醜

待友

綠楊風蕭蕭
送君當路岐
相期指明月
照東山
陂我來露已霑
君行何後時
憶昔千里別
夢寐長相思
如何咫尺間
相期後愆期
愆期豈不來
山高月出遲

村夜

荒村夜入靜
出戶縱孤眺
踈柳明月過
長塘素鱗耀
雲疇東遠嵐
露葉凝返照
秋香亦何清
秋響高以慄
余適萬感寤
寂蕭然發長嘯

月下懷

明月照廣庭
寒蟬悲鳴耳
肅肅涼風至
念昔同懷子
清談析明理
玄言發奧旨
東遊下大江
天路不盈咫
行縱獨步濟
冠多士伊余
泉石

瘳望子徒想似相去雲與泥相思從此始

四安鎮

蒼石積古壘荒草被深溝三輔距通衢四顧走
名州車馬旣連術禾稼亦滿疇黃雲亘北望清
溪倏東流高秋一游衍日落悵悠二

守常邀飲

束髮慕鷓鸞中歲慚鷓鷯逐旅形自役爲客心
常搖處寒寧避俗欲羸安惡囂聊充百里負愧
乏一命招念子亦同病杯酒時見邀出門月照
地仰視星轉杓執手意慘二西風何寂寥

早發嘉禾館

夜戒晨將發起坐寐未爽三星正燦二露霑蒼
苔上童子捧一篋舟人駕雙槳行二涉大川日
出開萬象高鳥散遠林流泉激清響性適物自
通理融相非罔昔人雅獨游余亦恣孤賞

竹夫人

淇園出虛心瀟湘鍾勁質冒炎薦清寢卜夜侍
華室詎辭一髀困頽奉三暑畢狎妮不及亂嬌

妬真相疾棄置各有時敢怨秋風日

秋夕席上得豆字

清風滿竹林新月照簷雷村酒飛陶觴園蔬列
嘉豆浩歌激雲漢緩步視星宿守拙術非工為
巧顏何厚願奉四座歡常稱千金壽

行客

人生苦離別出入常嗟吁入為親戚故出為貧
賤驅割別父母恩兄弟不克俱朋友念行旅妻
子憶征夫心中集百憂身在天一隅歲晚霜露
繁北風裂肌膚居人墜北戶行子方在途

自勵詩

義和無息駕望舒不停轡春華未悉敷秋節行
復至當此淹忽期何乃重自棄獸死存其皮木
伐斲為器形骸有歸盡物理無虛偽姬公厲夕
惕衛武崇晚志遠以近為始高乃下所致蘆葦
必有豐怡養豈終瘁勗哉君子心終身服教誼

泛太湖

具區自鴻荒出納全吳流汪洋亘億頃絲邈帶

三州中有洞庭山二遠忽如浮白日無四隅青
天被遐陬我行異泛槎帆高匪乘桴風峭行益
駛雲開望彌脩撲岸畏驚濤戲渚感閒鷗道爲
廣濟用學以博涉優客子意兼程何能少夷猶
但切垂堂戒對此懷百憂

遣興

高樓見四野曠望諧心趣綠荷散清池白雲結
芳樹乘閑乃佳會忘憂即良遇懷人起妄想懊
病增哀莫而我方澹然茲理度無誤

懷溶叔

十五同翰墨二十共飛翻三十二毛侵道合行
異門十年客燕趙傷心蘼蕪草間關始歸來復
上邳鄆道去時梨花飛相期桂花發霜菊滿籬
開各自看明月寄書試問詢吮毫意不申江南
事田作惆悵遠遊人

早行

出門天未曙清霜結野草流水咽遠灘殘月照
古道枯林樹欲搏狹徑石如倒山轉原田平霧

氣白浩二

中秋燕客值雨得筭字

叢桂飄晚香良辰期宵翫金風鳴素枝密雲布
遙漢細雨入深簷高朋集閑館雖乏海陸珍羽
爵行無筭明月本常在同人或離散何必千里
共當此三秋半主人興不淺秉燭且達旦

錢塘江上觀潮

炎銷寰宇清天高山川朗人間夜月滿江上秋
朝長溟漲無端倪水國更決濟一縱千里目忽
開萬有象漢武歌河決詩人詠漢廣豈若潮初
洶渾淪盈億丈始聞雷殷二既見天蕩二如雪
還有聲似練仍多響遠看毛髮豎即視神色恍
天吳但戰粟川后失精爽羅刹爲之摧秦望亦
動盪轟然來何鄉倏爾去何往呂梁僅咫尺秋
水溢盃盃博物兼意匠大觀延心賞操翰不成
章西風徒慨慷

夜飲忽不樂

燒燈擁鑪火酌酒羞溪鮮外孫喜造膝學語猶

未便小兒初作文呈藝意僊二山妻懷頗舒強
坐未即眠舉室共歡欣吾意殊釋然忽思少小
時高堂方夜筵兄弟相扶攜嬉笑聲喧填恍惚
如昨日蹉跎經歲年長者無一存世事多迤邐
短褐傷敝垢高門愧攀緣新春見白髮舊物惟
青氈咽哽不能已樂極生憂煎兒女問何悲難
與汝輩言

哭汪維貞四首

日余羈虎林子從故鄉至寄言相勞苦感念殷
勤意良覲謂有期征車不能企隔別未斯頃凶
問俄傳至初聞方驚疑再聞遂憂悸安得北來
使莫寄南鴻字客從維揚歸知子果淹棄所愧
千里奔沉痛惜交誼

其二

束髮契金蘭從師浙江許於時弟與兄伊余會
以輔推轂相倚重彈冠期進取前途余坎壈棄
置蓬蒿下故人盡謝去惟子相慰撫久要詎忘
昔善交必稽古如何中道間死別異鄉土負子

良獨深意滿情彌苦

其三

滔二東流水去二無還期生死兩難即會面當
何時綠草被新阡素塵滿故棲憶昔西湖遊痛
飲南山陂有酒今不御芳魂竟何之精靈若彷彿
恍惚不可持死者日以遠生者日以哀悼往
恨逾結感時情彌悲德音曷能忘涕淚空泠漚

其四

寓形必歸盡死生固其常安常待終竟脩短何
大傷倉卒即長路衷情詎能忘旅邸風蕭二南
北何參商匡時泯良圖撫景悲高堂豈無諸弟
昆哀怨切中腸知子目不瞑痛彼天一方魂兮
歸來乎無然滯他鄉

曹貞婦

南山有桂樹青二凌霜雪枝條雖奉曲終不廢
芳烈女子既字人生死兩相結夫疾妾不幸何
忍遽中絕長跪謝父母此意良已決一心事君
子扶持力當竭上堂羞甘脆入室躬飲啜兒疾

貽母憂婦孝取姑悅哀哉竟不起子女幸成列
何必偕死亾為君撫孤孑煢二三十載終始永
無缺倚梧棲高鳳野草悲鳴鳩繫人萬物靈好
惡自區別諷彼芣苢詩千載同貞潔

出逢雄豪士

春雨如亂絲門前草淒淒晨興欲出門妻子色
依二問妻何為爾對言之朝炊無顏告親故不
忍語隣比牀頭藏古書先世昔所遺暫將質斗
米幸主莫汙之行復檢斷局斟酌少作糜兒餐
詎全飽婦啜仍半饑食罷再三歎悽惋不自持
出逢雄豪士贈以感激詞人生貴得意丈夫當
競時雖鄙犯教言可使門戶哀鴈鸞不卑棲騏
驥不忘馳與入枯魚肆寧從黃鵠飛淮陰謝釣
餌百里辭屨屨何不裹馬革無事悲牛衣願君
早為計莫以衰賤疑

感述

霜雪之茂草貧賤無美詞采葑棄下體折楊傷
卑枝牽合強相許失時人所嗤處弱易生侮在

愚難避欺衆目苟不存孤鴻不如鳩誰令違要
津君何見之遲

烈女行六首

高梧映初暘晨風吹修竹結根在崇岡傾枝待
鸞鷲遙二兩華胄累世重親睦何以敦舊誼階
庭茂蘭玉生女許外家歡好從此續

其二

日月如流電內外服訓則男長效百行女長修
四德媒氏來請期春風借顏色華奩夙云戒間
關試鳴轍雁二引鴛鴦行當雙比翼

其三

嗟二夭桃樹雨露空及時開花不結實零落墜
枯枝變故在須臾會面應無期夙心良已成願
以身代之雖無詞可禱乃有淚可垂

其四

堂上聞喧轂心知良已矣秉刀斷黥髮伏枕思
至理此身旣許人分當代甘旨無如衆口譁訣
絕唯一死父母恩匪輕所賴諸昆季

其五

一心念生死六日絕水漿正語排衆議明言報
姑嫜侵晨遣車來雨泣辭高堂升車即新阡馬
鬣不忍望捐軀下從君褰帷各驚惶

其六

生時昧顏面死日同窆穴從此終天地何啻偕
耄耄善養誰不願大義我所決足爲三綱振念
之五內熱女子不草二丈夫慎區別

局促

局促樊籠鳥反側涸轍魚所求一枝息安得勺
水濡傷哉竟不獲卒爲形所拘版籍錮下士糟
糠厭迂儒新圖旣消落舊業亦淪胥詎敢望負
郭安不念故居征夫愍周社亾人泣殷墟家國
雖不同世紀理實俱前途豈不修即事良可吁
抱恨向坐隅終日懷不舒

秋日言懷

夜雨曉初霽烟嵐散遙岑白雲四五屯清蟬三
兩吟餘炎帶夏意新涼生秋心在疚情靡舒屬

厭求不深藜藿充人腸花草開吾襟幸與蕭艾
違何用蘭芷馨行當耕隴上吾其師漢陰

出郭

緩步出郭門南望對蒼二秋水澹菱池落日生
寒光貧賤傷睽違步履樂健康拾穗野畦中穗
少行未遑釋杖坐平蕪感彼飛鳥行一啄無餘
求忽焉寥廓翔

月下

少年愛良辰來日常苦遲薄晚知惜陰光景去
我馳別離意緒惡憂傷容貌衰惟有天上月常
如年少時

舟中晚行

方舟下清溪聯翩起歸翼日入嵐氣重帆落溪
風息晚山餘影響寒月無顏色歲暮更遠遊誰
能不悽惻

佩韋詩

疾風不崇朝驟雨不及昏修翼有遙搏逸足無
近奔所以古之人秉德惟溫二聰明常若愚恂

恂不能言至理需悠游峻厲徒自煩弦急韋何
寬齒亾舌恒存汝其保天和斯誼古所敦

首夏郭外散步

出郭天氣清紅日方西斜平湖生微風綠楊飛
餘花密樹隱青山人家間桑麻達人苦羈束修
已避紛譁意適景彌愜理融興益賒蒲末狎閒
鳧雲涯矚歸鴉即物良自怡無心為修姱

別情三首

存鱗相煦沫飛鳥恒同棲人生何淹忽無事多
別離哀怨傷中心感歡雙淚滋居者尚如此遊
子情可知豈無相見期倉卒寧不悲願言早廻
翔慰我饑渴思

其二

重雲蔽青天北風何淒二隆冬生嚴寒雨雪固
其宜狐貉以自居思暄諒非時通窮如晴陰命
也安可為世路古所難宵人倡游辭願為雙黃
鵠觀時起瑤池寧為人所嗤勿為人所持

其三

白日照高樓驚風忽飄揚浮雲西北飛遊子在
他鄉新交易爲歡故情久當忘甘言生間離追
憤成乖張音塵隔天涯冤怨結中腸能令金石
交一朝參與商願子操孤桐繁絃不成章

望湖中即事

淮水入邗江四面皆湖泊烟光因寒起暮色先
秋作潦退洲渚出風息蘆花落蒲柳旣堪條芟
荷已帶索行二遵雁鴻兩二探鶴鶴漁舟住西
岸人居東郭去年此時來流波儼如昨

水心行并叙

丁生良鏡字軒鎔別號水心始軒轅氏鑄十
五鏡上合纏度悉具靈異而廣陵記取五月
五日鑄鏡江心莊生云至人用心若鏡水與
鏡皆能鑒物其江心之取乎丁生之號蓋顧
名也且丁生性沉潛須剛克昔燕昭王受水
心劍於神人以司割制乃號水心其佩弦之
意乎至於陸羽品泉以南泠之水爲第一此
蓋丁生偶合之癖又一義也戲爲賦之率爾

而成

軒皇十五鏡上合日月度靈異閱古今常有鬼
神護至術遺廣陵爰范中流渡鏡成起光怪照
之肝膽露豈惟妍媸別何處塵埃汗正禮富才
華七畧森武庫厥號水心子義思在名顧昭王
臨水宴寶劔神所付割制擬佩弦取驗魯公扈
此生兼嗜茗品泉協衷素一物具三昧聞呼當
頓悟我本湖海人夙有烟霞痼安得羽化術遲
君遼陽路

伏日雨

酷暑兼繁愁斜景唯憑坐黑雲東北來大雨俄
滂沱古屋垣衣脫危簷瀑布墮暑意乃暫消吾
情亦殊可